

Joachim Schröder


**Geistliche Hertzstärckung/ Für Alle und jede hochbetrübte ware Christen/ Denen die Ihrigen/ Sie seyn Vater/ Mutter/ Schwester/ Brunder/ Kinder/ etc. Durch einen seligen Todt genommen worden/ Ins gemein; Und dann auch für Die So ihre liebste Ehegatten/ fürnemlich die Frawen also müssen fahren lassen/ Absonderlich : In eine bewegliche Klag und Trost-Rede/ Auff jede gottselige Leiche/ Denen Nachgelassenen und deßfalls hochtraurigen Herten Zur Gedult und zum Trost**

Rostock, 1642

<http://purl.uni-rostock.de/rosdok/ppn72996955X>


Druck Freier  Zugang






Fm  
4861

Fm-4861<sup>1-4.</sup>







# Geistliche Hertzstärkung/ 29

28

für

Alle vnd jede hochbetrübtte ware Christen/

Denen die Ibrigen/ Sie seyn  
Vater/ Mutter/ Schwester/ Bruder/ Kinder/ etc.

Durch einen seligen Tode genommen werden/

Insgemein;

Vnd dann auch für Die

So ihre liebste Ehegatten/ sarnemlich die Frauen

also müssen fahren lassen/

Absonderlich.

In eine bewegliche Klag vnd Trost-Rede/

Auff jede gottselige



Leiche /

Denen Nachgelassenen vnd deßfalls hochtraurigen Herzen


Zur Gedult vnd zum Trost/

Zubereitet von

M. JOACHIMO SCHRÖDERO,

predigern zu St. Georg in Rostock.

Rostock / Gedruckt im Jahr 1 6 4 2.



# Allen vnd Jedem/

Wegen tödelichen doch seligen Abgang der  
Ihrigen/fürnemlich aber der liebsten Ehegaten/  
hochbetrüben wahren Christen in Rostock/

Wünsche Ich Gedult vnd Trost von dem Brunn  
quell alles Trostes dem Herrn Jesu.

**E** esse Asschen wie Brodt/ vnd mische meis  
nen Tranck mit Weinen. So klaget vnd saget  
mit thranenden Augen vnnnd wehmütiger Stimme  
der König David im 102 Psalm: Kein zweffel ist/  
D ihr betrübten vnd trawrigen Herzen/ Ihr werdet  
in Verlust der Ewigen auff gleiche Art vnd Weise  
auch so klagen vnd sagen; wann die/ so euch von Herzen getommen vnd  
bellebet/ aus den Augen/ Ach Ach! durch den Todt werden hinweg ge  
rissen; Da wird ewer Lust in Dnlust verwandelt/ vnd ewer Freud mit  
Leyd vermischer; Da erfahret Ihr das gemeine Sprichwort wahr in  
seyn:

Was liebet/ das trübet/

Was herket/ das schmerket.

Dieses erfahret ihr also/ daß euch alle Speise vnd Tranck/die sonst/  
da die Ewigen euch noch zugegen waren/ süße geschmecket/ gleich dem  
Wermut vnd Gallen bitter seyn; Daß ferner der Mund/ welcher gela  
chet/ jetzt klaget; Die Augen/ die vorher helle vnd lichte waren/ sich ver  
dunkeln; Die Gestalt/ so frisch vnd schön war/ erlasset/ vnd gleich ver  
altet; In summa/ daß der ganze Leib mit allen Gliedern/ der vorher  
starck war/ gleich in Ohnmacht niederfincket vnd erlaltet. Wie David  
seinen liebsten Freund Jonathan bitterlich betrauren/ beklagen/ beweinet  
vnd

1932. XII 27.

Vnd besuffzet; Also/ so noch mehr/ höre ich euch zum theil die Ewrigen  
bitterlich betrauren/ beklagen/ beweinen vnd besuffzen: Wie nun euch  
hochbeträubten Christen ins gemein/ wegen Abgang der Ewri-  
gen/ sie seyn Vater/ Mutter/ Kinder/ Schwester/ Bruder/  
vertrauliche Freunde etc. solches begegnet/ so betrifft euch Gottes  
seligen Wittwern vnd Wittwen absonderlich/ wann euch das ge-  
nommen wird/ welches vnter Irdischen Schätzen euch das liebste gewe-  
sen/ welches mit Liebe vnd Treue vorgedachte Personen hat überwogen/  
also/dz es das ander Ich/oder Eins mit euch geworden/ Fleisch  
von ewrē Fleisch/vnd Bein von ewren Beinen/ewer Ehgemahl/  
so gerahet Ihr für andern in groß Trauren vnd Klagen/ so suchet Ihr  
das Verlohrene mit herz- vnd schmerzlichem Verlangen; Ihr suchet/  
Ach/ Ach/ Ach/ des Tages/ Ihr suchet des Nachts/ Ihr suchet daheim/  
Ihr suchet daraußen/ Ihr suchet ewren liebsten Schatz mit Thrä-  
nen vnd mit Seuffzen; Wann Ihr dann nicht findet/ das ewre  
Seele liebet/ da höre ich euch/ wie eine Torteltaube girren vñnd klirren/  
Da sehe ich/ wie kein Speiß noch Tranc/ wie köstlich sie auch mügen  
zugerichtet seyn/ euch mag belieben; Einen jeden höre ich in seinem  
schwarzen Traur Hause an der Traur Taffel klagen vñnd sagen: Ich  
esse Affchen wie Brodt/ vnd mische meinen Tranc mit weinen:  
Dis höre ich/ dis sehe ich/ vnd thue mir (ehe ich mich allerdings besinne/  
vnd mein Herz vom Irdischen auffwärts erhebe) kein Wunder.

Dann schawt ich anfangs auff euch selbst/ so finde ich des-  
sen wichtige Ursach/weil ewer Herz verwundet/ ja zertheilet ist;  
Denn die Alten haben die Trennung zwischen zweyen Ehegatten *Dis-  
sociatio* eine Herzsplaltung genennet/ welches so viel heisset/ als wenn  
einer eines lebendigen gesunden Menschen Herz/ mit einem scharffge-  
wetztem Schwerdt/ von einander in zwey Stück zertheilte/ vnd deren  
eines in das frische Erdbreich verscharrere/ das ander aber vnverbunden  
im Leibe hangen liesse/ bis sich dasselbe verbluret/ vnd endlich nach vielem  
seuffzen/ vnd langer Zeit/ mit einem kleinen Häutlein überzogen würde/  
welches sehr dünne vnd zart/ daß es leichtlich alle Augenblick vernewert  
werden/ vñnd wegen steter Bewegung des Herzens/ bald wieder auff-  
A ij brechen



brechen könnte. Wann Ihr dann nun auch solchen Hertzschmerz emp-  
pfunden/ so sehe ich das Hertz gleich kluten vnd bebem/ vnnnd daher den  
Mund klagen vnd wlnseln/ fürnemlich aber die Augen mit Wasser quel-  
len; Die Augen/ weil ihre Lust dahin ist/ quellen nicht/ wie vorhin/ reyn  
Wasser/ wann einem zuweilen für Frewden die Augen übergäuzen/ be-  
sondern trübtes Wasser; Sie thun für Leyd sich gleichsam aufklereen vnd  
verwüsten/ weil die Augenlust ins tuncle Grab gesencket/ so sind auch  
ewre Augen auff solches Grab gerichtet/ wann die Stelle/ da ewre  
HaußEhre/ pflag zu gehen/ stehen/ sitzen vnd liegen/ da sie mit  
euch/ Ach! hochfreundlich pflag zu reden/ öde vnd wüßt worden/  
so mügen die Augen hieran nicht bleiben/ sie werden durch das  
blutige Hertz zum Grave getrieben. Wann sie nun da verspüren/  
daß das Liebste/ das Frewste/ das Schönste/ das Freundlichste/ die Auf-  
enthaltung des Lebens/ vnd Wonne des Hertzens/ der Ehegare/ muß/ Ach/  
Ach/ Ach/ vermodern vnd zu Aschen werden/ vnnnd solches zuweilen in  
den blühenden Jahren/ so wird das sonst süße Luftbrodt ein bitteres  
Traurbrodt/ Da leget offte mancher vnter euch das Messer/ welches er  
zum Essen gefasset/ widerumb nieder/ sehet die Hand an den Kopff/ vnd  
sähet an zu grunzen/ ächzen/ vnd wil sich wol gar des Essens entziehen;  
Wil er denn gleichwol auff Anhalten der Seinigen essen/ so ist ihm die  
Speise wie Aschen/ wan er auch vom besten Weizen die Krümlein zer-  
malmet/ dauche ihm doch/ er habe hartes vnd salziges Sand vnd Brandt  
im Munde/ weil sein Ehegemahl/ welches negst dem Brodt des  
Lebens Christo/ ihm gleich das süßeste Brodt des Gemüches  
gewesen/ dahin ist/ so ist ihm andere Speise vnnnd Brodt gleich  
wie Sandt/ Brandt vnd Aschen/ es mag ihm/ seinem bedüncken  
nach/ wie es denn auch offte geschicht/ weder zu Fleisch noch Blut kommen.  
Wann er nun beginnet zu trincken/ ist der Tranck auch sawr vnd bitter/  
denn die Augen beginnen zu stessen/ daß er seinen Tranck mit Weis-  
nen mischet; Vnd geschicht solches nur nicht alleine daheim/ bes-  
sondern auch außser dem Hause bey Gesellschaftt anderer/ Insonder-  
heit derer/ die noch ihre liebste Ehegaren vmb sich her haben/ wan er (sie)  
sich da ein sam befindet/ so werden die sonst verbundenen vnd in etwas ge-  
helleren

heilsten Wunden wieder auffgerissen/ da sähet der Mund an mehr zu klagen denn vorher/ Er beklaget mit halb zerbrochenen Worten die vorige Fremd vnd gegenwertiges Jend vnd Traurigkeit/ Er klaget mit Hlob c. 30. v. 26. & seq. Ich wartete des guten/ vnd kompt das böse/ Ich hoffte auff's Licht/ vnd kompt Finsternis. Mein Eingenwend sieden vnd hören nicht auff/ mich hat überfallen die elende Zeit. Ich gehe schwarz einher/ vnd hörnet mich doch kein Sonne nicht. Ich bin ein Bruder der Schlangen/ vnd ein Geselle der Straussen. Meine Haut über mir ist schwarz worden/ vnd meine Gebeine sind verdorret für Hitze. Meine Harpffe ist ein Klage worden/ vnd meine Pfeiffe ein Weinen.

Diese vnd dergleichen Klageden werden noch häufiger gehört/ so etwa in währendem Ehestand einige Sreittigkeit ist vorgegangen/wie leicht geschehen kan/ weil auch dem Abraham vnd Sara solches wiederfahren/ Gen. c. 16. Der Satan machet auch die sonst gebührliehen ernstlichen Wort vnd Gebeerde zu stachlichten Dornen/ ja zu brennenden Feuerflammen; Da gedenckt mancher/ wanns möglich were/ so wolte er die harten Wort vnd Werke auch wol mit Gold vnd Silber lösen/ solte ers gleich verdienen/ Wanns möglich were/ er wolte seinen Ehegaten wol aus der Erden tragen/ vnd hernach auff den Händen tragen. Summarischer Weise davon zu reden/ ein Gottseliger Wittwer/ (wie auch/ ja noch wol mehr eine sothane Witwe) ist vor vnd rückwärts voller Wehe/ vnd mag abgebildet werden durch ein blutendes Herz/ das vmb vnd vmb mit spizigen stachlichten Dornen vnd Flammen vmbgeben/ über ein offnes Grab/ darin das Blut gemächlich fließet vnd zerrinnet/ webet vnd schwebet/ bis es sich auch gar hinein sencket.

Sehe ich fürs Ander auff die Kinder/ da euch der liebe Gott damit gesegnet hat/ so eräugert sich abermal Ursach bitterlich zu klagen vnd zu weinen. Wie wird dem hinterlassenen Ehegaten/ er sey Mann oder Frau/ das gebrochene vnd zermalmete Herz noch mehr zermalmet/ wann die Kinder/ die noch theils vnerzogene Kinder/ die kleinen Kinder/ ja die theils Kindslein/ Ach Ach Ach! kaum einer

Spannen lang/die newlich aus Mutterleib gekommen/darüber  
auch wol die Mutter die Augen zugethan/ da ligen vnd jammern.  
Wann sie daher stolpern vnd weinen/ vnd niemand da ist/ der sich ihrer  
recht annimt/ vnd sie/ wie vorhin geschehen/wartet/ pfleget/ vnd für sie  
fleißig forger. O wie wird sonderlich das Vater Herz gekränkter/  
wann die liebste Rahel bey Ausbrütung solcher Lämblin ihre  
Augen hat schliessen müssen/ wann ihr in Kindesnöthen oder  
bald hernach die Seele ist aufgangen/ da werden die Kinder ih-  
nen rechte Schmerken Kinder. Wann ferner die Säugammen/  
da sie sehen man ist ihrer benöthiget/ nicht allein pochen vnd erosen/ beson-  
dern noch überdas vnbescheiden vnd ruchlos mit diesen Reuchlin vmb-  
gehen/ so wird solches Herz noch mehr gekränkter/O wie manche Nacht  
ligt der Vater schlafflos in Furcht vnd Sorgen/ Da denckt er offte/ Ach  
daß nur nicht die Kindelein im Schlaf erdrückt würden/ Wie so man-  
ches spöttisches Wort muß er mit stillschweiggen einfressen/ auch von der/  
die er sonst / wann die hohe Noth ihn nicht zwünge / kaum ansehen  
müchte.

Wann nun auch die Kinder vmb den Vater sich her stellen/  
die vorher gemeinlich zur Mutter sich gesellen/sür ihr das Gebet thaten/  
vnd von ihr theils die Brüste/ theils das Brodt foderten/ vnd sich wol  
erziehen ließen/ Wann sie nun/ weil sie dahin ist/ sich vmb den Vater  
stellen/ vnd theils mit loßender vnd stammender Zungen fragen vnd sa-  
gen: *Alt/ Alt/ wo Muß Mutter?* Theils/ nachdem sie etwas ver-  
ständiger seyn/ mit erblichem Angesicht vnd thranenden Augen ihn be-  
klagen/ Da stehet denn der Vater mitten vnter den Waisen/ er  
stehet vnter ihnen wie ein fast verdorrter vnd auff die Wurzel  
erstorbener Baum/ daran nur etliche Zweiglein noch grünen/  
Wie ofte wündschet er mit tiefen Seufften/ daß diese vorhin/ vnd er bald  
hernach zum Grabe zum liebsten Ehegatten müchten getragen werden/  
Er denckt/ daß sie manchen harten Fäusten sonst müssen durch die Hände  
lauffen/ daß ihnen bald ein Unfall/sonderlich in diesen verkehrten  
Zeiten/ möchte begegnen/ daß sie in Hunger vnd Kummer/ in  
Frost vnd Blöße/ müssen vmbkommen vnd verschmachten.

Hiedurch

Nedurch wird des hinterlassenen Mannes Herz noch mehr geträncket/ vnd gleich ins Grab zur todten Leich gesencket/ vnd das Brodt wird zu Aschen/ vnd der Tranck in Weinen verwandelt. Dieses wiederfähret auch der Frauen/ wann der Mann dahin ist/ vnd zuweisen mehr denn den Männern.

Sche ich fürs Dritte auff die Haushaltung/ vnd erweget daß auch die nicht so wie vorhin/ da ein Ehegatt dem andern nemlich die Hand geboren vnd gescholffen/ vnd gleich an einem Joch inständig gearbeitet/ wil forgehen/ so finde ich auch hie an euch Ursache herlich zu trauern/wenn Eins vom Andern muß scheiden/ Da trauere der Mann/ sonderlich da er Handel vnd Wandel getrieben/ vnd alles im Hause an der Frauen wie einem Nagel gehangen/ so übersallen ihn allerhand Beschwertigkeiten vno Bekümmernissen/ wie schwere Nagelsteine/ er zitteret vnd bebet offi darunter/ vnd weiß in eslichen Fällen sich weder zu rathen noch zu heiffen.

Wann er über das noch die Vnreue des Gesinds erfähret/ daß es nachlässig ist/ vnd wegen Essen vnd Trinken den Herrn meißert vnd verleumbdet/ wann es noch wol daneben müßwillens bald dieses bald jenes verwarloset/ auch wol gar stielet vnd entwendet/ so wird einem Wittmann noch banger/ Er ist gleich einem/ der selb ander eine schwere Last getragen/ da nun der Mitgehülff vnd Gesellin hinweg ist/ demnach er allein darunter achzet vnd seuffzet. Es sinken die Hände offeben ihm nieder/ die Beine werden beben/ der ganker Leib ist der Erden zugebeugert/ vnd er ist anzusehen/ als glenge er in der Erden/ er sey lebendig todt/ Er ist gleich einem/ dem das Liecht vns vermuthlich verloschen/ vnd daher im Finckern sitzen muß/ vnd mag keine Fremde haben/ So isset er nun Aschen wie Brodt/ vnd mischet seinen Tranck mit Weinen. Wie Hiob wiederholet er offi diese Klagrede: Wenn ich essen sol/ muß ich seuffzen/ vnd mein Heulen fährt heraus wie Wasser. Denn das ich gekochet habe/ ist über mich kommen/ vnd das ich sorget/ hat mich troffen. War ich nicht glückselig? War ich nicht sein stille? Hatte ich nicht gute Ruhe? vnd kompt solche Vnruhe. Hiob 6.3. v. 24. etc.  
Auf

Auff gleiche ja noch bitterer Art mügen auch fromme Wittwen klagen/ sonderlich da sie von Jederman verachtet vnd verflohen werden/ vnd gleich geworden einem Garten mit niedergerissenen Zäunen/ da Jederman überhin lauffet/ wie ich in einer absonderlichen Predigt/ die ich SommerBlüt intituliret, vorm Jahr erwiesen habe.

So trauret Ihr nun billich über den Tode der Ewigen/ Insonderheit aber trauret Ihr bitterlich für andern/ die Ihr ewre Ehegaten verlieret/ wie auch die Heiligen Gottes einander auff gebührende Art betrauret haben/ auch die heilige Schrifft zuglebet/ Wie denn auch Syrach hiezu ermahnet/ da er im 38 Capitel schreibet : Mein Kind/ wenn einer stirbt/ so beweine ihn/ vnd klage ihn/ als sey dir groß Leyd geschehen/ vnd verhandle seinen Leib gebürlicher weise/ vnd bestate ihn ehrlich zum Grabe. Du solt bitterlich weinen/ vnd herzlich betrübt seyn/ vnd leyde tragen/ darnach er gewest ist.

Ob nun wol diesem also/ so müisset Ihr dennoch gleichwol Masse halten/ daß Ihr nicht ungedültig werdet/ wider Gott kurret vnd murret/ euch selbst das Leben verkürzet/ vnd den Heyden gleich stellet. Wie denn auch der weiser Mann Syrach bald auff voreingeübte Worte ansetzet/ da er schreibet : Tröste dich auch wieder/ daß du nicht traurig (auff Heydnische Art vnd Weise) werdest/ denn von Trauren kompt der Tode/ vnd des Herzens Traurigkeit schwächet die Kräfte. Vnd Paulus ermahnet 1. Thessal. cap. 4. Wir sollen nicht traurig seyn wie die andern/ die keine Hoffnung haben. Vnd der Ursachen hat auch Gott der Herr Jedermännlichen anbesohlen Witwen mit dem traurigen Negsten zu haben/ man sol trauren (auff gebührende Art) mit den Traurigen/ vnd weinen mit den Weinenden/ Rom. c. 12. Vnd Syrach erinnert Cap. 7. Laß die Weinenden nicht ohn Trost.

Insonderheit hat er Lehrern vnd Predigern dieses aufsergelegt/ daß sie/ wie treue Hirten/ die Schwachen sollen warnehmen/ vnd stärken/ Es. c. 40. Wie Er ihnen daher auch in ihren Ansehungen/ Verfolgungen vnd Trübseltigkeiten/ auch den bittern Todes Fälen an  
den

den Ibrigen/ welchen Trost mittheilet/ daß sie mit dem Apostel Pauli  
2. Cor. c. 1. sagen können: Der Gott alles Trostes/tröstet vns in  
Allem vnserm Trübsal/ daß wir auch trösten können/ die da sind in  
Allerley Trübsal/ mit dem Trost/ damit wir getröstet werden von Gott.  
Denn gleich wie wir des Leydens Christi theil haben/ also werden wir  
auch reichlich getröstet durch Christum. Es hat auch der Sohn Gottes  
selbst die/wie sonst/also wegen des Tods der Ibrigen Betrübte/getröstet:  
Wan Abraham seine Saram verlieret/so tröstet ihn der Herr/Er schafft/  
daß sein Sohn/seines Herzen begehren nach/sich verheyratet. Den Eze-  
chiel/ da er ihm seine Augenlust nimpt/ tröstet er/ daß er sein Wort solle  
behalten. Hochtröstlich redet er die Wittwe zu Hain an/ da ihr einziger  
Sohn stirbet/ Weine nicht. Wann Lazarus gestorben/ ist er bald auff  
die deßfalls bekümmerten Schwestern zu trösten. So tröstet Er seine  
Mutter vnd Johannem am Creuz/ zur Anzeig/ Er wolle alle Wittwen  
vnd Waisen/ die nach seinem Willen sich vnter sein Creuz stellen/ ja alle  
rechtgläubige Kreuzträger vnd Trägerinnen aufrechten vnd trösten.

In Betrachtung nun dessen/habe Ich/wie andere Diener Christi  
für sich/ auch für meine Person/ wie sonst ins gemeth die Nothleidenden  
vnd Angesochtenen; also auch vorm Jahr die Gottseligen Wittwen vnd  
Waisen absonderlich getröstet/ auch (daß für G. Der allein Dank sey/ weil  
es nicht mein/ sondern sein ist) wie es nicht ohn Druk abgangen/ erfahren/  
daß auch etliche diese vnd andere TrostPredigten begehret/ vnd daher o-  
richte Ich auch zu diesem mahl folgende TrostSchrifte/ nach  
voreingeführter Klags/ zu euch hochbetrübten wahren Christen/  
denen die Ibrigen abgestorben/sonderlich aber/denen ihre liebste  
Ehegaten abgestorben sind/ Da ich zwar auff beyde Theil in solchem  
Falle sehe/ fürnemlich aber auff die Wittwer/ weil (wie gedacht) auß-  
führlich von der Wittwen Trost in einer absonderlichen Predigt(daraus  
so es begehret wird/ ein Anzug kan verfasst/ oder wol gar wieder aufge-  
leget werden) gehandelt ist.

Weil auch jetziger Zeit mehr der Wittwer geworden als  
der Wittwen/ wie denn viel Männer ihre liebste Ehefrawen/  
über die Geburt ihrer Kinder/ oder etliche Tage hernacher/  
B haben

haben zum Grabe geleiten müssen. Weil auch zu besorgen/ daß wegen des gelinden Gewitters/ das wir gehabt/ sonderlich aber wegen unserer giftigen SündenDünste/ eine Pestilenz (die doch GOTT der HERR nach seinem Väterlichen Willen verhüten wolle) entstehen/ vnd unsere bereits leere Häuser vnd Sassen noch mehr aufleeren möchte/ vnd daß solches denn für andern den Frauen/ (doch sofern es GOTT wil zulassen/ sonst kan Er sie auch wol vnter seinen Strahlen decken/ vnd behüten/welches ihr beständiger Trost seyn sol) möchte treffen/ daß manches Lusthaus mit Trauren erfüllet/ manche süsse Speise mit Bitterkeit veräulet/ mancher Tranc mit Weinen vermischet/ vnd also manches starckes Herz krafftlos werden. Dieses werden/ wie gedacht/ Insonderheit die SündenDünste/ fürnemlich die Vppigkeiten vnd Leichtsinigkeiten vnter dem Fräwlichen Geschlecht verursachen/ Dafür daß die Töchter Zion stolz sind/ daß viel Frauen vnd Jungfrauen sich schmincken/ mit neuen Trachten das Haupt vnd den Leib behencken/ sich wie etne rote Rose bemalen/ vnd einher gehen vnd schwenken/ auch theils für dem hohen Altar/ auch weñ sie zum N. Abendmal gehen/ sich nicht schewen/ Vppigkeit zu treiben/ nicht allein mit Kleidern/ sondern auch leichtfertige Einbengungen des Leibes/ vnd Bewegungen im neigen vnd biegen/ daß doch mit Furcht vnd Zittern Erbarlich vnd Christlich geschehen soll vnd muß; die da nicht wissen/ wie langsam sie/ wenn der Text der Predige wird abgelesen/ sich empor heben/ vnd aufstehen wollen/ gleich als müßten sie/ wie die Ohnmächtigen/ sich an Säulen vnd Bäncken erst auffrichten/ da sie doch gegen einander sich ehrerbietiger erzeigen; Die auch ihre Kinder zur Vppigkeit von Jugend auff gewöhnen. Dafür wird sie der HERR mit fewrigen Carbunceln schlagen/ vnd mit pestilenzlichen Drüsen belegen/ Wie denn auff Hoffart gemeinlich die Pestilenz erfolget/ wie wir vnter andern an den Juden vnd Davids Exempel zu ersehen haben; Vnd müssen denn auch die Frommen offte als denn mit herhalten. Wann nun diesem also/ daß/ wie gedacht/ zu besorgen/ es möchte der Todt zu vnsern Fenstern herein stürmen/ ja er möchte gar ins Betle fallen/ vnd die Ehegatten einander von der Seiten wegreissen (wie auch/ wie esliche dafür halten/ daß

Daß Absterben der schwangern Frauen dessen Merkzeichen seyn  
sollen) vnd wegen der Seuchen Gefährlichkeit die nahe Aunderwandten/  
theils möchten geschweh/ theils durch eygene Noth vnd Todt gehemmet  
vnd gewehret werde/ den Ihrigen Trost mitzuhelten. Da auch daher dem/  
sonst in Absterben der Seinigen Trauriger/ noch mehr vmb Trost möche  
bange werden/ So habe ich Anfangs eckliche TrostGründe für  
die/ so die Ihrigen verlieren/ ins gemein/ vnnnd denn auch ecklicher/  
für die/ so ihre Ehegaten verlieren/ absonderlich/ abgefasset/ daß  
sie ihnen eine Geistliche Herrstärkung für ihre abgemattete  
Herzen vnd Seelen seyn möchten/ daß sie dieselbe damit erquickten/  
stärcken vnd trösten könten/ demnach sie auch dieselbe so annehmen/ vnd  
heilsamlich gebrauchen wollen.

Anlangend nun dem Erßen/ so ist zu mercken/ daß Der/ so sich  
im Absterben der Seinigen recht trösten wil/ müsse

Erslich auff **GOTT** sehen/ vnnnd zwar also/ daß er erweget/  
Desselben gnädigen Willen/ seine Weisheit/ vnd seine Gerech-  
tigkeit.

Der Wille Gottes ist in dem geschehen/ daß vnser guter Freund/  
er sey wer er wolle/ Todtes verblischen: ohn seinen Willen kan kein Haar  
von vnserm Häupte fallen/ vielweniger mag vns ein Freund/ ja wol der  
negste Freund/ weggerissen werden. Es hat der Mensch seine bestimmte  
Zeit von Gott/ die Zahl seiner Wonden steht bey ihm/ Job. 14. Er  
lässet die Menschen sterben/ Ps. 90. Ist also Gottes Wille daß die Un-  
sichtigen sterben. Demselbigen Willen Gottes gebühret vns nicht  
zu widerstreben/ sondern mit Job zu sagen/ der **HEXX** hat ge-  
geben/ der **HEXX** hat genommen/ der Name des **HEXX**  
sey gelobet/ wie es Ihm gefallen/ so ist es geschehen. Ein Jegl-  
cher betet ja täglich im Vater Unser: **HErr** dein Wille geschehe/  
So er diese Bitte nun mit Andacht im Glauben hervorbringet/ wie ge-  
schehen muß/ so er anders wil recht beten/ kan er sich nicht ungeduldig  
stellen/ noch wider **GOTT** murren/ wann der **HEXX** seinen Willen  
verübet/ Er muß schlechter dinge/ wie vnd auff was art es **GOTT** beliebet/  
es ihm auch belieben lassen. Wie ein Knecht verbunden ist an den



Willen seines Herrn/ also/ so noch viel mehr/ ist ein Christ an GOTT  
verbunden/ ihm zu gehorsamen. Es wolte ja Abraham/ wann er GOTT  
es Willen hätte/ seinen eygenen Sohn den Isaac schlachten vnd ver-  
brennen: Sind wir nun Abrahams Samen/ vnd nach der Verheissung  
Kinder/ so laß vns auch des HERRN Willen über alles lieben vnd gütlich  
seyn. Wie Eil. 1. Sam. c. 3. laß vns sagen: Er ist der HERR/  
Er thue was ihm wolgefället.

Gottes Gerechtigkeit ist/ daß er sein Gut/ daß er vns nur  
zugebrauchen geliehen hat/ wiederumb/ wenns ihm gefället/ zu  
sich nimmet/ vnd nach seinem Willen anlegt vnd gebrauchet.  
Wir Menschen wollen/ daß vns richtig dasselbe/ welches wir auff gewisse  
Zeit bey jemand deponiret haben/ auff vnser Absodern werde gelassen/  
vnd es würde vns niemand der Vngerechtigkeit mit grunde in solchem  
falle beschuldigen können/ Es müste Jederman ja bekennen/ daß wir  
Fug vnd Recht zu dem Vnsrigen hätten; Wie viel mehr sol dieses/  
wann GOTT/ der niemand vnrecht thut/ der Macht hat mit dem Samen  
zu thun was er wil/ die Vnsrigen/ wie sein Depositum, das er vns noch  
zu vnsern Gebrauch vnd noch wol eine geraume Zeit gelassen/ absodern/  
beherziget werden.

Wenn wir daran gedencken/ daß GOTT weise vnd verständig/  
sollen wir vns erinnern/ daß er nichts vnbesonnens ohn  
Ursach gethan habe/ Er verstehet wenn es nütlicher zu sterben  
als zu leben. Er sieht viel vorher/ das wir nicht erscheyn können; So  
lasse man ihn nur rathen. Wit man murren/ so wil das Geschöpf den  
Schöpffer meiffern/ vnd der Schüler den Praeceptor lehren.

Zum Andern/ sollen wir sehen auff den Verstorbenen/ vnd  
dessen Zustand/ der jetzt viel besser denn zuvor. Denn er (sic) ist  
jetzt außserhalb aller Gefahr/ vnd kan weder der Teuffel/ weder  
die gottlose Welt seine Seligkeit weiter nicht hindern; So lang  
wir seyn in diesem Leben/ sind wir aller Gefährlichkeit vnser  
worffen/ vnd ist keine Frewde so groß/ darunter nicht etwas  
Traurigkeit vermischet: Aber wer aus diesem Leben durch den  
zeitlichen Todt geschiden/ ist aller Gefahr erlediget. Gleich  
wie

wie einer/ der in gefährlicher Schiffahrt gewesen/ wenn dersel-  
bige in eine sichere Anfurt angelanget/ billich frölich ist: Also  
wenn wir durch den zeitlichen Tode aus der gefährlichen Schiffs-  
fahrt dieses Lebens/ in die sichere Anfurt des ewigen Lebens ge-  
bracht seyn/ haben wir vns billig zuerfreuen/ vnd vnsern guten  
Freunden Glück dazu zu wünschen/ vnd ihnen ihr Glück nicht  
zu mißgönnen. Wann ein Gefangener aus einem finstern Thurm/  
da er mit Artzen vnd Schlangen vnd schweren Banden umgeben ge-  
wesen/ erreyet würde/ hätten ja die Anverwandten nicht Ursach sich zu  
betümmern: Warum wolten sie denn gar zu hoch betrauren den Tode  
ihrer Freunde/ Anverwandten/ Kinder/ Eltern/ Ehegaten/ Ist doch  
diese Welt gleich einem beschriebenen Thurm/ vnd wir Menschen sind  
gleich den Gefangenen/ Die Welt ist finster von Bawissenheit vñ Trüb-  
seligkeit/ so gar/ daß wir offte in dem Schatten des Todes wandeln. Den  
Artzen vnd Schlangen sind gleich beydes geistliche vnd leibliche Fein-  
de. Nemlich sind wir umgeben/ wir wandeln vnter den Scorpionen.  
Die Bande/ die vns gefangen halten/ sind vnser sündliche Lüste/ Be-  
gierde/ Worte/ Wercke/ vnd die drauff folgende Plagen/ Straffen vnd  
Züchtigungen/ sünemlich die schweren Kranckheiten/ dadurch etler  
offte eine geraume Zeit ans Bette geschmiedet wird. Wenn nun Je-  
mand selig stirbt/ so wird er hievon erlöset/ vnd zwar also/ daß er zur ewi-  
gen Himmels Burgt gelanget/ darnach er sich offte gesehet. Wer dero-  
halben die seinen Abgestorbene über die gebühr klagt vnd beweis-  
net/ gibe damit zu verstehen/ daß er seinem guten Freunde nicht  
von Herren günstig sey/ sondern ihm den glücklichen Zustand/  
darin er gelanget/ mißgönnē/ Der HErr Christus sagt Joh.  
14. zu seinen Jüngern/ da dieselbige wegen seines Abscheides  
traurig waren/ Heitet ihr mich lieb/ so würdet ihr euch freuen/  
daß ich euch gesagt habe/ daß ich zum Vater gehe/ verstehe/ aus  
der bösen vnruhsamen Welt/ aus der bösen vn sichern Herberge/  
in die ewige Ruhe vnd Friede/ zu meinem allerliebsten Vater/  
dem ich werde herzlich wol willkommen seyn. So sagt vnd dencke  
nun auch billig ein jeglicher Gläubiger/ denn er ist ein Glied des HErrn

Christi/ vnd Christus Iesus lebet in ihm/ Galat. c. 2. vnd er ist in  
Christo/ Rom. c. 8. So hat er nun auch Lust von dieser bösen Welt  
abzuschneiden/ vnd ermahnet seine Freunde nicht zu sehr zu trauern.

So sollen nun auch/ in Verrachtung dessen/ die Nachgelassenen  
sich zu Irreden geben/ Sie sind ja zum Friede vnd Ruhe gekommen/ wie  
Esaias zeuget Cap. 57. da er schreibe: Die Gerechten werden wegge-  
raffe für dem Unglück/ vnd die richtig für sich gewandelt haben/  
kommen zum Friede/ vnd ruhen in ihren Kammern. Im Buch  
der Weisheit cap. 3. steht geschrieben: Der Gerechten Seelen sind  
in Gottes Hand/ vnd keine Quaal rühret sie an. Der Heilige Geist  
sage in der heimlichen Offenbarung/ Sie ruhen von ihrer Arbeit. So  
lasse nun ein Mensch/ der die Samen durch einen zeitigen Tode lassen  
müssen/ Syrachs Ermahnung ihm in die Ohren klingen/ da er cap. 38.  
also spricht; Weil der Tode nun in der Ruge ligt/ so höre auch auff  
sein zugedencken/ vnd tröste dich wieder über ihn/ weil sein Geist von  
hinnen geschieden ist. Wann Mose eine beschwerliche Reise vor ihm  
hat in der Wüsten/ leset er sein Ehegemahl mit den Kindern gern ihrem  
Vater dem Jethro/ denn er wuste/ daß/ da er ein geplagter Mann were/  
würde ihr das auch treffen/ dorein aber were ihnen besser: Also wann auch  
Gott vnser Vater/ vnserer Freunde/ oder Ehegaten/ wolt zu ihm holen/  
vns aber in der Wüsten dieser Welt lassen geplagt werden/ sollen wir den  
glücklichen vnd ruhigen Zustand der Vnsrigen nicht zu hoch beweinens/  
sondern ihnen denselben gönnen. Wenn eine Stadt sol belagert wer-  
den/ frewet man sich/ daß man sein bestes Gut/ seine Ehegaten vnd Kin-  
der/ an sichere Orter mag bringen: Warum wollen wir vns denn zu  
hoch betrüben/ wann die Vnsrigen/ als Schätze/ sie seyn welche sie wol-  
len/ Schwester/ Brüder/ oder Kinder/ Vater/ Mutter/ oder auch vnserer  
vnter irdischen Schätzen höheste Schätze/ vnserer Ehegaten/ zur vnüber-  
windlichen Himmels Burg/ zum Fremden Schloß vnd Pallast aller Auß-  
erwählten sind versetzt worden/ Da wir/ die hie bleiben/ immer müssen im  
Streit seyn/ Job c. 7. Solten wir sie reden hören/ würden wir sie hören  
mit hellem Klang vnd Gesang intoniren: Hie ist gut wohnen: Hie  
ist Freud die fülle/ vnd lieblich Wesen zur Rechten des HErrn  
immer vnd ewiglich. Der HErr Iesus hat nun alle Thrä-  
nen

nen von vnsern Augen abgewischet/ vnsern Sack außgezogen/  
vnd mit Freuden gegürtet/ vnd tröffet vns/ wie einen seine  
Mutter tröffet. Es. c. 66.

Fürs Dritte sollen wir bedencken den Zustand der Mens-  
schen/ zuseherst ins Gemein/ daß dieselbe alle zugleich dem Tode vn-  
terworfen seyn/ vnd keiner vnser den Menschen/er sey reich/ hoch/ mäch-  
tig/ schön/ oder wer er wolle/ demselben entlauffen könne; so sol man  
ihm nichts sonderlichs begehren. Es würde ja der vnbesonnen handeln/  
der/ wann anderer Leute Bäume ihre Blätter täglich für seinen Augen  
abwürffen/ er sich zum höchsten darüber beschweren wolte/ daß auch seine  
solches thäten: Also handelt der auch vnbesonnen/ der/da die Menschen  
wie Blätter verweicken/ vnd täglich durch den Tode dahin fallen/ sein  
Haus vnd Freundschaft dafür wil versichert haben/ welches er mit gar  
zu bitterm Trauren andeuter. Er mactet sich nur selbst mit vergeß-  
licher Sorge abe/ was allen gemein ist/ mag man nicht ändern.  
Es ist der alte Bund/ Mensch du mußt sterben; Du bist Erde/ vnd mußt  
wieder zur Erden werden; Vnd wo lebet jemand/der den Tode nicht sehet?  
Er ist se zu allen Menschen hindurch gedrungen/ Rom. c. 5. In Be-  
trachtung nun dessen/ sol man sich gedultig erzeigen/ auch wann/ vnserm  
bedüncken nach/ wir/ oder die Vnsrigen zu zeitig vnd unvermuthlich da-  
hin fallen. Wenn jemanden ein Irdenes Gefäß zubricht/ laß er  
ihm des/ so ers recht bedenckt/ nicht groß wundern/ denn das  
Fas war gebrechlich: Also wann das irdene Fas vnsero oder  
der vnserigen Leiber durch den Todtesfall zerbrochen werden/  
sollen wir gedennen/ Es war dieser Mensch sterblich wie alle  
Menschen. *Quid mirum, si moritur Mortalis, Was istts wunder/daß  
ein Sterblicher stirbet.* Vnd da solten die Kranckheiten vns stets  
dessen Vorboten seyn/ Bey jeglicher Kranckheit/ an ihm selbst oder  
den Seinigen/ vnd sonst allewege/ solt man des Todtes erwarten. Wenn  
einer Stadt gedräwet were/ sie solte gewiß abgebrandt/ vnd als/ dz kein  
einiges Haus/ Ruhde noch Keller überbleibe/ eingestürzt werden so/  
würde ja Jederman/ die Stuwohner auch für sich selbst/ alle Stunde sich  
dessen befürchten/ Insonderheit aber alsdenn/ wann in seinem Hause ein  
Few r

Fewr thäte anbrennen. Also/ wann dieser grossen Stadt/ der Welts/  
des Todres Fewr gedräwet ist/ sol billich Jederman auffwarren/ sonder-  
lich da eine Krankheit/ wie ein Fewr/ seinen Leib/ wie ein Haus oder  
Hütte in dieser Stadt/ thut entzündet/ Da sol er dencken/ Du bist Erde/  
vnd must wieder zur Erden werden; Gleiches sol er erwegen/ wann die  
Schnigen so werden angegriffen.

So mercke nun ein Jeglicher was Syrach sagt Cap. 38. da er also  
spricht: Traurigkeit thut dem Herzen wehe in der Aufsehung/ vnd  
überreißt. Laß die Traurigkeit nicht in dein Herz/ sondern schlag  
sie von dir/ vnd dencke ans Ende/ vnd vergiß nicht/ Denn da ist kein  
wiederkommen/ es hüffe ihn nicht/ vnd du thust dir Schaden. Geo-  
dencke an ihn/ wie er gestorben/ so must du auch sterben. Gestern  
wars an mir/ Heute ist's an die.

Süßs Ander/ sollen wir auch beherzigen den Zustand der  
Gläubigen absonderlich/ Daß wann die selig Verstorbene der Freu-  
den genießen/ auch die Hinterlassenen/ da sie im Glauben bleiben/ ster-  
ben/ vnd also den Ibrigen nachfolgen/ daß sie die Ibrigen nicht verloh-  
ren/ sondern nur vorhin gesandt haben/ Wie David solches bezeuget/  
wann er von seinem verstorbenem Kinde sagt/ Er werde zu ihm fah-  
ren/ 2. Sam. c. 12. Daher wird auch der Tod ein Hingang/ Heim-  
fahret/ vnd Versammlung in den Wern genennet. So man nun im  
gemeinen Leben sich nicht bekümmert hat/ wann man in einem lustigen  
Wald/ oder zur Hochzeit/ sich hat erlustigen wollen/ vnd alshen die Sei-  
nigen vorhin gesandt/ wie denn die Erfahrung zeugt/ daß offte die Män-  
ner vor den Frauen/ die Frauen vor den Männern/ die Kinder/ da sie  
sicher gehen können/ wol vor beyden/ zuweilen hernacher/ hin spakren  
oder fahren/ Daß man nun guts muths/ Denn man g. tröset sich des-  
sen/ daß man wieder werde an bestimpten Lust Ort zusammen kommen:  
So sol man nun auch/ wann einer für dem andern stirbt/gedencken/ daß  
der Verstorbene in dem himlischen Paradies Garten/ vnd zur Hochzeit  
des Lammes/ durch den Todt gefahren s. v/ vnd daß wir folgen werden/  
vnd daß solch Folge geschwind vnd eylendts geschhe. Mose sagt Ps. 90.  
Vnser Leben vergehet als flögen wir davon. Hiob vergleicht's einem  
Schiff vnd Strom; Wie diese Dinge gar geschwinde seyn/ so ist auch  
der Lauff vnser Lebens geschwinde/ es gehet ein Zeit nach der andern  
vnder-

Unvermuthlich dahln/ vnd kommen wir täglich/ ja stündlich dem Todte  
näher/ auch wissen wir nicht/ wie plötzlich vns der Herr will ruffen/ vnd zu  
welcher Stunde er vns will abfordern; Wann wir vnser Rechnung lang  
aufsetzen/ kan der Tode schon für der Thür stehen vnd anklopfen; da dem  
Kein zögern wil gelten/ wie die Erfahrung bezeuget/ vnd wir auch singen:

Gewiß ist der Mensch schön/ jung vnd stark/  
Morgen todt vnd ligt im Sack. 2c.

Vnd haben wir über das ins gemein augenblicklich des  
Jüngsten Tages/ weil der Abend der Welt da ist/ vnd die Zeichen vor  
hergegangen/ zu vermuthen/ da eine Auferstehung der Todten  
wird folgen/ Denn die Todten in Christo werden auferstehen/  
darnach wir/ die wir leben vnd überbleiben/ werden zugleich hingerücker  
werden/ in den Wolcken dem Herrn entgegen in der Luft/ vnd werden  
also bey dem Herrn seyn allezeit/ wie 1. Thess. c. 4. geschrieben steht. Da  
wird denn die vollkommene allerfrölichste Versammlung sich  
wieder findens; Denn da vorher die Seelen versamlet der Fremden ge-  
wesen/ die Leiber aber vermodert sind/ werden die Leiber wieder erwecket/  
vnd mit der Seelen vereiniget/ in dem heuesten Glanz vnd Schein der  
ewigen Herrlichkeit genossen. Da findet sich beysamen/ Was die ges-  
cheiden der Tode/ Sie wir in Christi Namen/ Vnd selig sterben in Gott/  
Der Ehmann sein Gemahl. 2c. Mit diesen Worten sollen wir vns nun  
untereinander trösten/ wie Paulus auch ermahnet 1. Thess. c. 4.

Hier auff folgen nun ehliche Trostgründe absonderlich für  
die jenigen/ so ihre liebste Ehegaten/ fürnemlich aber ihre Fra-  
wen verlieren. Diese wollet nun auch ihr disfalls thränenden Augen/  
ihr seufftenden Herzen/ vnd de Grabe zugebogene Kreuzträger vñ Kreuz-  
trägerinnen fleißig merken/ vnd im Glauben heilsamlich gebrauchen.

Der Erste Grund ist/ weil Ehemänner ihre Frauen/ auch  
die Frauen ihre Ehemänner bey diesem außdrucklichem Beding-  
ge nur bekommen/ daß sie durch den Tode nach Gottes Willen  
sich eins sollen scheiden lassen/ Auff welche Condition sie auch frölich  
das Jawort von sich geben/ für dem Angesicht Gottes/ der H. Engel vnd  
vieler Christen/ auch einer dem andern die Ringe vnd Hände bey solcher  
Condition in der offentlichen Vertrawung gereicht. So ist nun kein  
E Unver

Unvermuthliches/ es ist kein Unbilliges/ wenn sie sich also scheiden müssen. Wann ein Haußvater einen wegen der Hitze abgematteten Reifemann ins kühle vnter seinen Weinstock führete/ doch mit dem Bedinge/ er solte wieder von dannen gehen/ wenn ers ihm sagte/ vnd er liesse ihm solches wol gefallen; so würde der Reifemann vnbesonnen vnd thörllich handeln/ wann er wol murren/ daß er solt weichen; besser thäte er/ daß er der Abrede sich erinnerte/ vnd dem Haußherrn gern den Weinstock liesse/ vnd bleiben lassen können: Also/ wann vns der Himmlischer Vater vnser Ehegaten bescheret/ wann er den Männern fromme Ehefrauen/ als edle vnd fruchtbare Weinstöcke/ zuordnet/ Ps. 128. vnd leßt dieselbe mit Kindern/ wie edlen Reben vnd Trauben vmb's Haus her wachsen/ Schatten wegen der Hitze in Amptgeschäften vnd sonst in der Trübsal zu geben/ doch mit dem Bedinge/ daß sie auff sein Becht ihm diese Weinstöcke wieder lassen/ so müssen sie auch derselben in Gedult sich begeben/ auch Gott danken/ daß er ihnen dieselbe noch eine Weile geliehen.

Der Ander Grund ist/ daß auch solches andern Heiligen vor ihnen begegnet sey. Abraham verleuret seine Sara/ Jacob seine Rachel/ vnd andere ihre liebsten Ehefrauen; so verlieren auch Gottselige Ehefrauen ihre Männer/ die Naemi/ Wittwe zu Nain &c. Auf diesen Grund verweist sie der Apostel Petrus/ in seiner 1. Ep. c. 5. da er schreibt: Wissen/ daß eben dieselbigen Leyden über ewre Brüder in der Welt gehen. So sollen nun wahre Gläubige es für eine Ehre halten/ daß sie mit den Heiligsten auch zum Leyden/ auch zum bittersten Leyden wegen Verlust ihrer Ehegaten/ erwählt werden. Wann Jemand an eines grossen Herrn Taffel gefodert wird/ daran vornehme Leute sitzen/ helt ers vor ein Zeichen der Freundschaft/ wann er auch gleich mus drange sitzen: Also/ wann GOTT vns auch an die Creutz Taffel setzt/ daran er auch die Heiligsten gesetzt hat/ so sollen wir es auch wie ein Zeichen Göttlicher Liebe ansehen/ wie saur vns auch der Zutritt vnd Sitz mag werden. Wie wissen doch daß es heißet: Wer zum Himelreich ist erkoren/ Den stechen Dornen vnd Dornen.

Der Dritte Grund ist die Nutzbarkeit; die zusetzt dem nachgelassenen Ehegaten/ er sey Mann oder Weib/ begegnet: Da denn vnter vielen die erste Nutzbarkeit ist eine Erinnerung

Der

Der Sünde/ vnd Abhaltung von denselbigen; Denn wer am Fleisch  
leidet/ höret auff zu sündigen/das er hinsort/was noch hinterkeltiger Zeit  
im Fleisch ist/ nicht der Menschen Lüsten/ sondern dem Willen Gottes  
lebe/ wie Petrus schreibet 1. Ep. c. 4. Wann nun diesem also/ sollen Wit-  
wer vnd Wittwen ihr Leyden an ihrem Fleisch/da der Todt sie scheidet/da  
ihr Fleisch vnd Bein gleich gespaltet werden/ ansehen/ als eine Reini-  
gung ihres sündlichen Geblüts/ vnd präseruierung für Bösem. Wie nun  
ein Krancker/ in Betrachtung dessen/ das ihm werde die Gesundheit zu  
wege gebracht/ auch die bittersten vnd schärffesten medicament, die auch  
alle Glieder/ Sähslein vnd Aderlein gleich durchschneiden/zu sich nimet/  
so sollen auch Gottselige Witwer vnd Wittwen sich nicht wegern/ dieses  
Creuz gedültig anzunehmen; Der Herr ihr Arzte hat ihnen einen bitteren  
Tranck bereitet/ dadurch sie an der Seelen/ daran sie vorhero krank/ vnd  
war gefährlich krank/ wann sie zum theil ihre Ehegaten zuweilen hö-  
her geliebet denn Gott selbst/ zum theil gar zu geringe gehalten; zum  
theil ihrer im Ehestand durch vngewöhnliche Lust/ daraus offte Vnruhe  
geworden/ zur Duzelt mißbraucher/ auch sich sonst versündigt/ gelegen/  
curiret werden; So sage nun ein Witwer oder Wittwe: Ich wil den  
heylsamen Belch des Herrn nehmen/ vnd seinen Namen verkündi-  
gen/ Ps. 16. Ich wil den Zorn des Herrn tragen/ den ich habe wider  
ihn gesündigt/ Mich. 7. So wird ihm auch die Sünde bitterer werdē/  
vnd wird für mancherley seiner Traurigkeit/darin er sonst gerahen/dar-  
in er auch verharren/ vnd endlich sich selbst ewig verderben möchte/ behü-  
ret werden. Wenn er dieses recht bedencket/ vnd in der That erfähret/so  
saget er: Quam bonum est mihi Domine, quod humiliasti me. Steupet  
doch ein Vater sein Kind/wann ers wol damit meynt/dz es nicht muth-  
willig/ sondern from werde/ vnd das Kind dancket hernach dem Vater:  
Wann dann nun Gott der Herr auch vns züchtiget/ wil Er vns from  
machen/ vnd wir sollen ihm danken.

Die andere Nutzbarkeit ist die Probirung des Glaubens/  
das der aus dem Herzen herfür leuchte/ vnd Jedermänniglich/ auch dem  
Menschen selbst/ dem er zuweilen verborgen ist/ offenbar werde/das sie be-  
zeugen/ sie seyn gute Christen/ die bey Gott nicht nur in Frewden/ sondern  
auch im Leyden gerne aushalten. Dieses führet nun auch Syrach einerm  
Jeden/ vnd also auch einem Christlichen Wittmanne vnd Wittwen zu Ge-  
müthe



mühe c. 2. v. 12. Darauß auch Petrus leset 1. Pet. c. 1. Es machet  
Gott der Herr es mit euch/ wie ein Oberster mit seinen Soldaten/ Da-  
mit er derer Treue vnd Mannheit probire/ sodert er sie auß zum Streite  
vnd läset sie kämpffen: Also sodert auch der Herr ewer Gott euch auß  
zum Angst Kampff vnd Streite/ daß ihr mit dem Creuz ringet/ nicht daß  
das Creuz euch/ sondern daß ihr das Creuz solt überwältigen/ vnd jet-  
zen wie treulich ihr an Gott haltet.

Die dritte Nussbarkeit ist Erweckung des Gebets/ vnd an-  
derer Früchte des Geistes. Wie es ins gemein heißet Es. c. 26. Herr  
wenn Trübsal da ist/ so suchet man dich/ vnd wenn du sie züchtigest/ so  
schreyen sie ängstiglich; Vnd Es. c. 28. Ansehung lechret außs Wort  
mercken: so heißet es auch so insonderheit bey dem schweren Hauff Creuz/  
wenn die liebsten Ehegaten abscheiden/ da züchtiget der Herr die Leute/  
so dieselbe verlieren; Er greiffet sie an dem Ort an/ da es ihnen am we-  
hesten thut/ ans Herze/ erwecket sie damit/ vnd schafft/ daß sie ängstig-  
lich ruffen vnd schreyen; Ihre Seuffzet/ gläubet mirs/ da sie aus einẽ gläu-  
bigen Herzen kommen/ sind dem lieben Gott angenehmer/ denn ein Schall  
der Instrumenten. Denn die Opffer/ die Gott gefallen/ sind ein geängster  
Geist/ ein geängstes vnd zerschlagenes Herz wil Gott nicht verwerffen/  
Ps. 51. Die Thränen solcher Wittwer vnd Wittwen sind für Gott viel  
thwerer/ denn die köstlichsten Perlen vnd Edelgesteine; ihre Gestalt ist wie  
ein schöner Lustgarte/ ihre Rede ist eine Rede zum Leben. Dann/ wie vor-  
her gedacht/ bringet sie nicht allein Erkänntnis der Sünden/ vnd heilt da-  
von abe/ sondern gibt auch Gelegenheit/ daß sich der Mensch zu Gott er-  
hebe/ vnd sich bemühe für ihm würdiglich zu wandeln/ Das verursachet  
nun Gott der Herr auch/ wie sonst durch allerhand Trübsal/ also inson-  
derheit durch Wegreiffung des Ehegaten. Wie er die Bäume mit Regen  
vnd Winden angreiffet/ fürnemlich aber/ wie er die Knospen leßt brechen/  
wenn die liebliche Blüet sol herfürkommen/ vnd Früchte erfolgen; Also  
benezet vnd beweget Er mit allerhand Trübseligkeit vnd Verfolgung sei-  
ne Gläubigen/ die Er wie Bäume der Gerechtigkeit in seinen Kirch Gar-  
ten gepflanzet hat; Insonderheit aber bricht er die Herzknospen/ wenn  
er die Ehegaten ihnen wegnimmet/ Vnd solches auch darum/ daß die  
Früchte des Geistes/ die erst gleich verschlossen warẽ/ sich herfür thun/ blüen  
vnd riechen. So sollen nun Gottselige Wittwer vnd Wittwen gedens-  
cken/ sie sind mit ihrem Traurhause Gottes Lusthaus/ sie blüen vnd  
grünen

grünen für seinen Augen/ wiewol sie für ihren vnd anderer Leute Augen  
den verforenen Bäumen gleich sind. Damit jemand der süßen Kern in  
einer Nuß theilhaftig werde/ zerbricht er dieselbe; Vnd damit ein Haus-  
vater die Körnlein aus den Ähren bringe/ lesse er sie zudreschen/ Vnd den  
Acker/ damit er Korn trage/ lesse er durchspülen/ vnd eggen: Also zerbricht  
der Herr die Hergnusz/ so zudrescht ers/ so zerpalter vnd durchegget ers/  
wann er den Ehegaten w. gümpt; suchet aber alsdann das Geber/ Liebes/  
Hoffnung vnd andere Früchte des Geistes. So seyn sie nun gedüdtig/  
vnd sagen mit Paulo Rom. c. 5. Wir rühmen vns auch der Trübsal/ die-  
weil wir wissen/ daß Trübsal Gedult bringet/ Gedult aber bringet Erfah-  
rung/ Erfahrung bringet Hoffnung/ Hoffnung aber leßt nicht zu schan-  
den werden. Vnd mit Assaph Ps. 73. HERR wenn ich nur dich habes/  
so frage ich nichts nach Himmeln vnd Erden ic.

Die vierde Nutzbarkeit ist/ die Erweckung des Verlangens  
nach dem Ewigen. Es dencket mancher selten an den Tode/ vnd ans  
ewige Leben/ da er seinen Ehegaten vmb sich hat/ vnd es ihm wolgehet/ da  
dencket ihm zuweilen/ dis Leben sey sein Paradyß; Damit nun Gott der  
Herr sein Herz erhebe/ so nimpt er den Ehegaten weg/ da macht er ihm  
denn auch nach dem Ewigen sich sehnen. Wie jemand mit Wegzückung  
des Magnets/ das schwere Eysen/ das vorher an ihn getlebet vnd still ge-  
legen war/ dahin ziehet/ wohin er den Magnet leget; Vnd wie ein Vater/  
wenn er siber/ seine Kinder sind eysrig auff ihr Spielwerck/ so gar/ daß sie  
auch auff sein Wort nicht allerdings laercken/ da er doch ihr Vater ist/  
von dem sie auch ein herrliches Erbtheil zu erwarten/ ihnen das Spiel-  
werck nimpt; So machets auch Gott der Herr mit denen/ welchen er  
die Ehegaten nimmet/ Da sie vorhero eyskalt vnd schwere Herzen ge-  
habt haben/ ziehet er sie auffwärts/ durch Entzückung der Ehegaten/ an  
denen das Herz klebet/ fester denn Eysen am Magnet; Er schafft/ daß sie  
sich nach irem liebsten Ehegaten sehnen; Diese ihre Lust vnd Spielwerck  
nimmet er/ daß sie auff sein Wort vnd das ewige Erbtheil acht geben/ vnd  
ihre Zeit so nicht mit Welt vnd Fleisches Lust zubringen/ als wenn sie nur  
dazu geboren weren. Wann Esther ins Königl. Haus Ahaswert ist  
anffgenommen/ liegt Marдохai ihr gar guter Freund am Thor des Kö-  
niglichen Hofes/ das sonst nicht geschehen were; Also wenn die Unser-  
gen in dem Himmel sind/ sehnen wir vns auch nach demselben/ da feußset  
mancher: Vnsere Wandel ist im Himmel/ Phil. c. 3. vnd ich habe Lust abzu-  
schneiden/ vnd bey meinem H. Jesu zu seyn. Phil. c. 1. E III Hier.

Hierauff folget nun die Nutzbarkeit/ die den Verstorbenen begegnet. In Betrachtung dieses Grundes mus man zurück sehen auff den Andern Gemeinen Grund/ da erwogen/ daß die selig Verstorbenen in etnem guten Stande sich befinden/ da ihnen besser ist/ als man möchte wünschen vnd begehren. Wie nun ein Ehegatte/wie auch vor erwöhnet ist/ dem andern gerne möchte Gutes gönnen/ also/ daß er etwa würde erfrehet von schweren Diensten/ So solt auch in diesem fall/ da ein Ehegatte aus dem Karren allerhand Mühseltigkeit durch den Tode wird außgespannen/ der ander nicht hierüber murren. Es sibeet ja ein Christlicher Ehemann gerne/ daß seine Haußfrau/ da sie sich hat abgemattet/ sich mag niederlegen/ vnd schlaffen/ vnd dis sibeet auch gern eine Ehefrau/ wenn der Mann matte vnd müde ist. Nun ist der Gläubigen Tode/ wie vor erwöhnet/ ein Schlaf/ so bekümmert euch nicht/ wenn der matte Ehegatte sich geleeget hat/ er schläffe/ er ruhet/ er genueffet der Freudens/ vnd hat erlangt die Kron der Ehren vnd Gerechtigkeit/ 2. Tim. c. 4. Völlig wird die Nutzbarkeit angesehen/ an Leib vnd der Seelen/ an jenem Tage/ da wird sich lauter Schönheit vnd Zierlichkeit finden/ denn wir werden leuchten wie die Sonne in vnserm Vaters Reich/ Matth. c. 13. Da wird er haben ein schönes Reich/ vnd eine schöne Krone/ daß er also zu Königlichem Ehren gleich ist erhoben/ Sap. 5. Da wird er haben völlige Gesundheit/ Heiligkeit/ Weisheit/ die Gesellschaft der heiligen Apsäpter/ Könige/ Propheten/ Apostel vnd Martyrer; vnd das noch grösser ist/ der heiligen Engel vnd Erzengel; vnd welches das höchste/ GOTT den HERRN selbst. Diesen König werden sie in ihrer Schöne sehen/ Dem stehen sie wie etne geschmückte Braut zur Seiten/ Ps. 45. Dem thun sie mit den gariken himlischen Heerscharen zu Ehren singen: Heilig/ Heilig/ Heilig ist vnser GOTT/ der HER Zebaoth/ alle Land sind seiner Ehren voll. Wann daß nun diesem also/wie ist möglich/ daß ein rechtschaffener Christ/ da er dieses recht in Herze faisset/ vnd erweget/ auff Heydnische Art mag jagen/ klagen vnd trauern? er wird maffe halten/ vnd gleiches erwarten/ vnd mit Paulo sagen Rom. c. 8. Ich halte es dafür/ daß dieser Zeit Leyden nicht werch ist der Herrlichkeit/ die an vns sol offenbar werden an jenem Tage.

Der vierdee Grundt ist Gottes väterliche Fürsorge für die Nachgelassenen. Es ist etne gemeine Rede: Es ist nur zu thun/ vmb  
die/

die/ so nachbleiben/ vnd führet man diese Rede offte so ein/ als wenn kein Gott were. Aus diesem falschen Grunde rühren offte die voreingeführten Klageden her/ als/ man sey verlassen/ vnd gleich lebendig todt/ das beste Gut/ Ach Ach Ach/ das Herz oder Schatz/ der allerliebste Ehegare sey dahin: es werde grausamlich vnd tyrannisch mit ihnen gehandelt: man wisse nicht/ wie mans sol machen mit den Kindern: man wisse nicht/ wie mans sol ansehen mit der Haushaltung. zc. Diesen Klageden wil ich nun/ doch fürsichlich/ entgegen setzen/ die Väterliche Fürsorge Gottes/ nicht aber/ als wenn ich alles Trauren wolte aufheben/das ist vnmöglich/ besondern daß die Traurigkeit gelindert vnd gemindert/ hergegen lebendiger vnd Christlicher Trost verurfachet werde. wie ich denn in vortigen auch dahin gesehen. Damit nun dieses müge geschehen/ so muß nun ein Ehegar/ ein Witwer oder Wittwe/ Gottes Fürsorge für die Seinigen ansehen/ vnd jedern Traurgedanken bey sich selbst begegnen. Ich wil nur auff die drey Vornembsten mit gar wenigem zielen/ die in der Klage seyn eingeführet.

Den Ersten anlangend/ Das edelste Gut sey dahin/ das Herz sey zerhetlet/ So ist anfangs zu merken/ daß GOTT der Herr das höchste Gut sey/ vnd mayne es treulich vnd väterlich/ Der sey der Aufenthalt vnd Trost des Herzens/ bleibe auch derselbe/ wann er vns auch mit diesem Creuz belegen/ Wie wir an dem Exempel Jacobs/ der mit dem Sohn Gottes selbst gerungen/ vnd gesieget/ Gen. c. 35. dem Esau/ Esau. c. 24. vnd andern zu ersehen. Wie nun diese vnd andere Heiligen sich in diese Sache haben richten können/ daß da gleich ihre Ehegaren ihnen weggenommen/ sie getrawet/ Gott were ihr Gut vnd HerzensFremd/ Ps. 73. So müssen auch noch heut vnd allezeit alle Gottselige Witwer sich darin schütten/ wenn ihnen ihre liebste Ehegaren durch den Todt weggenommen werden/ GOTT sol ihnen der Liebster seyn; so sollen auch die Gottseligen Wittwen sich erzeigen/ wenn ihnen ihre Männer absterben/ sie sollen es dafür halten/ daß GOTT ihnen zu setzen reete/ vnd sage/ Weine nicht/ Ich bin der Herr dein Mann/ Es. 54. Kompt also das Creuz von lieber Hand/ vnd muß er allewege vnser gnädiger Vater bleiben/ wie wir eben vnsern Kindern bleiben/ wenn wir sie gleich säupen. Fürs Ander müssen wir bedencken/ dz der Herr todt vnd lebendig mache/ er führe zur Hellen/ vnd wieder herausser/ er verwunde vnd heile; daß er solches zuweilen auch ihue in diesem Leben.

Fürs

Fürs Dritte/wie auch aber vñd abermal vorher erwöhnet/ daß er die selig Verstorbenen so wol versorge/ als sie kein Käyser oder König versorgen könte/ daß/ wenn alle Regentropffen Perlen/ alle Steine Silber/ vñd alle Berge galden, vñd alle Vögel vñd Thier Muscanten weren/ sie doch nicht das geringste ihrer Herrligkeit damit vertauschen wolten. Ist nun jemandt wol/ wenn er mit seinem Haupt auff einem sanfften Küssen liget/ so mag etwer Wittfrawen wol zu mühe werden/ wenn sie hieran gedencet/ vñd in den Himmel schawet; Denn das hebes sie ihr Haupt/ sanffter als auff irgend einem Büßen/ ruhen. Die Wittwer sollen gedencen im Absterben ihrer Frawen/ ihre Seiten seyn auch auff weiche Polster/ die Frawen/ so gleich die Rippen ihrer Seiten seyn, sind in Abrahams Schoß niedergeleger/ dadurch sol das blutende Herz verbunden vñd gehellet/ das bittere Brodt vñd Trancck versüßert/ die wüßten Drier erleuchtet/ die Klagebeden vñd Scuffier gestillet/ vñd alle matte Glieder auch das Gemühe gestärcket werden.

Anlangend dem Andern/ vñd denn auch dem Dritten/ wegen Versorgung der Wayßen/ vñd der Haußhaltung/ so ist zu erwegen/ daß Du hie der rechte Vater vñd Haußherr seyn wolle/ Ps. 127. Wie er die jungen Kaben erhöret vñd ernehret/ so/ ja noch vielmehr wolle er sie vñd die armen Wayßelein versorgen/ wie Israel in 8 Wüsten; wie den Mose wolle er sie mit seinen Irren/ auch in der größten Gefahr bedecken: der Herr Christus wolle sie hengen/ vñd an ihren Wiegen vñd Betten, auff ihren Stegen vñd Wegen die heiligen Engel/ wie Wächter/ ihnen zugeben/ Ps. 34. Ps. 91. Matt. 18. Der jungen Kesslein nimpt sich ja ein Gartner an/ wie solt denn nicht vielmehr sich der himlische Gartner der jungen zarten Kindtelein vñd Wayßelein annehmen? Sind sie nie besser denn die Kesslein/ die doch endlich dem Feuer zu theil werden? Warlich ja/ sie sind viel besser; hat er sie doch mit seinem Blut erkauft/ vñd ihm eingepropffet/ daß sie sollen ewig leben; wie solt er denn nicht ihrer waric/ pflegen vñd sie versorgen/ O ihr Kleingläubigen? Sorgen solt ja auch des Herrn seyn in der Haußhaltung/ daß ihnen kein guts müze mangeln/ Ps. 23. 37. Hieron habe ich nun in der Geistlichen Sommerbüch/ in der Wittwenpredigt vorm Jahr weit auffraer geschrieben/ auch wirds im Geistlichen Vertrauungs Spiegel/ der aus dem Luthero hat necht Gott im Buchladen wird zu finden seyn/ mit mehrern erwiesen. Demnach sich ein daffalls Hochbrütter/ wie anderswo/ also auch daraus/ lebendigen Trostes/ den er gewis necht Gott drin haben wird/ sich kan erhöten. Wie er aber recht was leben/ daß er auch zu den Seintem in die ewige Freude gelange/ zeiget ihm aus Gottes Wort der Christliche Lebens Spiegel/ der necht vorigen necht Gott auch bald am bemelten Ort/ umb ein geringes zu finden.


SOLI DEO GLORIA.











grünen für seinen Augen/ wiewol sie für ihren vñ  
den verforeten Bäumen gleich sind. Damit sie  
einer Truß theilhaftig werde/ zerbricht er dieselbe;  
vñ er die Körnlein aus den Ähren bringe/ leste er  
Acker/ damit er Korn trage/ leste er durch Flügel/  
der Herr die Hergnuß/ so judrischt ers/ so zersta  
wann er den Ehegaten w:gnimpt; suchet aber all  
Hoffnung vñ andere Früchte des Geistes. S  
vñ sagen mit Paulo Rom. c. 5. Wir rühmen vn  
weil wir wissen/ daß Trübsal Gedult bringet/ Bel  
erung/ Erfahrung bringet Hoffnung/ Hoffnung  
den werden. Vñ mit Assaph Ps. 73. HERR  
so frage ich nichts nach Himmel vñ Erden ic.

Die vierde Nutzbarkeit ist/ die Erweck  
nach dem Ewigen. Es dencket mancher selte  
ewige Leben/ da er seinen Ehegaten vmb sich hat/  
dencket ihm zuweilen/ dis Leben sey sein Paradyß  
Herr sein Herr erhebe/ so nimpt er den Ehegaten  
denn auch nach dem Ewigen sich sehnen. Wie je  
des Magnets/ das schwere Eysen/ das vorher an  
legen war/ dahin ziehet/ wohin er den Magnet leg  
wenn er sicher/ seine Kinder sind enstertig auff ihr E  
auch auff sein Wort nicht allerding mercken/ d  
von dem sie auch ein herrliches Erbheil zu erwa  
weret nimpt; So machetis auch Götter der Herr  
die Ehegaten nimmet/ Da sie vorhero ensterte v  
habt haben/ ziehet er sie auffwärts/ durch Entzue  
denen das Herz klebet/ sehet denn Eysen am Ma  
sich nach irem liebsten Ehegaten sehnen; Diese  
nimmet er/ daß sie auff sein Wort vñ das ewige  
ihre Zeit so nicht mit Welt vñ Fleisches Lust zub  
dazu geboren weren. Wann Esther ins König  
angefommen/ liegt Mardocheu ihr gar guter  
niglichen Hofes/ das sonst nicht geschähen were;  
gen in dem Himmel sind/ sehnen wir vns auch na  
mancher: Daser Wandel ist im Himmel/ Phil. c.  
scheiden/ vñ bey meinem H. Jesu zu seyn. Phil. c.

e Augen  
Kern in  
n Hauf  
Vnd den  
zerbricht  
gget er/  
t/ Liebe/  
edülig/  
sal/ die  
Erfah  
u schau  
ch habe

angens  
vnd ans  
gehet/ da  
Der der  
er ihm  
gung  
d still ge  
Vater/  
er/ daß sie  
sacer ist/  
s Spiel  
lehen er  
erken ge  
aten/ an  
er/ daß sie  
pielwerd  
ben/ vñ  
n sie nur  
schwer ist  
des Kö.  
Vnsert  
a seuffzet  
Lust abju  
Hier.

